

Instrumental

Capo 0 (Dm)

Stu paese di cuccagna, ch'ella era a to giuventù
Oramai l'abbia in brama, hè finitu ùn torna più
Spapersu in questu mondu, in cerca d'ogni virtù
Piglia è atteppa le cunfine, a verità hè quassù

Quassù si pesa l'altagna, è lu muvrone dinù
Si discioglie ogni pena, è l'amore ùn more più
L'acqua di la funtanella, corre tramezu à li foi
Ne pasce la pecurella, senza tèmene li boii

Instrumental

Quì si scopre l'orizzonte, l'altu mare è l'al di là
Quì si marchja ad'alta fronte, è timore omu ùn ne hà
Quì si àprenu le porte, per quellu chì sà pichjà
Nun si teme malamorte, quì tuttu hè umanità

Quì spunta lu prim'albore, à l'oriente quallà
Quì sbuccia lu primu fiore, u fiore di a libertà
Cù la luna è cù lu sole, sempre per l'eternità
Ci stà l'anticu maestru, cù l'ochju di a verità

instrumental